

**BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA OLOVO
Općinski načelnik**

Broj:02-20-1-1664-2/23

Datum:05.07.2023.godine

Na osnovu člana 42. Statuta Općine Olovo („Službeni glasnik Općine Olovo“, broj: 2/07, 4/08, 7/18 i 8/19), u sklopu projekta „Ekonomske osnaživanje socijalno i materijalno ugroženih osoba i mladih osoba kroz proizvodnju povrća u plastenicima i na osnovu Sporazuma zaključenog između Općine Olovo, i humanitarne organizacije „Muslim Aid Association“, kojim su osigurana donatorska sredstva od strane Humanitarne organizacije „Muslim Aid Association“ 40 %, Općine Olovo 40 % i vlastitog učešća korisnika 20 %, u cilju razvoja plasteničke proizvodnje na području Općine Olovo, Općinski načelnik raspisuje:

**JAVNI POZIV
za dodjelu plastenika od 100 m² sa dodatnom opremom putem
sufinansiranja u projektu „Ekonomske osnaživanje socijalno i materijalno ugroženih
osoba mladih osoba kroz proizvodnju povrća u plastenicima“**

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Olovo koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

- 1.Da ima prebivalište na području općine Olovo,
- 2.Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju a koje se nalazi u neposrednoj blizini stambenog objekta u kojem stanuje,
- 3.Da ima mogućnost navodnjavanja plastenika,
- 4.Da sufinansira 20% od nabavne cijene plastenika sa pratećom opremom (630,00 KM),
- 5.Da obavezno prisustvuje edukaciji iz oblasti plasteničke proizvodnje u trajanju od dva dana.
- 6.Da će dodijeljeni plastenik zadržati u vlasništvu najmanje 3 godine od potpisivanja ugovora

Služba za ekonomske poslove Općine Olovo i Muslim Aid Association su nosioci aktivnosti vezanih za realizaciju Projekta. Ukupno se dodjeljuje 20 plastenika.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

a) po osnovu prihoda po članu domaćinstva	
1) bez primanja -----	20 bodova
2) 50 KM -----	18 bodova
3) 51- 100 KM-----	16 bodova
4) 101-150 KM-----	14 bodova
5) 151-200 KM -----	12 bodova
6) 201-300 KM-----	10 bodova
7) 301-400 KM -----	8 bodova
8) 401-500 KM -----	5 bodova
9) 501- 700 KM -----	3 boda
10) 701- 800 KM -----	2 boda
11) Preko 800 KM -----	0 bodova

b) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta) 1-3 boda

- slabi uslovi (veliki nagib, udaljenost od kuće više od 200m) - 1 bod,
- dobri uslovi (relativno veliki nagib, udaljenost od kuće do 100m) - 2 boda,
- jako dobri uslovi (blag nagib, blizu kuće, dobar pristup) - 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti navodnjavanja neće se bodovati, te se njihove prijave neće uzeti u razmatranje.

c) dodatni bodovi po osnovu vremena provedenog na birou za zapošljavanje) od 1-4 boda,

- | | |
|-------------------|---------|
| - od 0-3 god. | 1 bod, |
| - od 3-6 god. | 2 boda, |
| - od 6-10 god. | 3 boda, |
| - više od 10 god. | 4 boda, |

- za svakog punoljetnog nezaposlenog člana porodice koji se nalazi na Evidenciji nezaposlenih osoba Biroa za zapošljavanje - 1 bod,
- mlade osobe životne starosti do 35 godina – 4 boda,
- ako je podnosilac zahtjeva samohrani roditelj – 2 boda,

Kada kandidati pri bodovanju imaju isti broj bodova, prednost će imati kandidati koji imaju status mlade osobe, potom višečlane osobe.

IV POTREBNA DOKUMENTACIJA

Potrebna dokumentacija za dodjelu plastenika:

1. Obrazac za prijavu na Javni poziv
2. CIPS prijavnica podnosioca zahtjeva – original ili ovjerena kopija,
3. ovjerena kopija lične karte,
4. ovjerena kućna lista,
5. dokaz o nezaposlenosti kandidata izdat od Biroa za zapošljavanje

6. dokaz o nezaposlenosti svih punoljetnih članova porodice izdat od Biroa za zapošljavanje,
7. potvrde iz škole/fakulteta za djecu/izdržavane članove domaćinstva,
8. potvrda o visini primanja zaposlenih članova domaćinstva
9. vlasništvo ili posjedovni list nad parcelom (kopija ZK izvadka ili Posjedovnog lista, kao i ugovor o zakupu),
10. ovjerena izjava da će korisnik podsticaja dobiveni platenik zadržati u vlasništvu najmanje 3 godine od potpisivanja Ugovora,,
11. ovjerena izjava da podnosilac zahtjeva u posljednjih 3 godine nije ostvario pravo na donaciju, dodjelu ili sufinansiranje nabavke platenika od općine, ministarstva, humasnitarnih i drugih organizacija,
12. ovjerena izjava da će sufinansirati 20% od nabavne cijene platenika sa pratećom opremom (630,00 KM), te da će obavezno prisustvovati edukaciji iz oblasti plateničke proizvodnje u trajanju od dva dana.

V PROCEDURA ODABIRA KORISNIKA

Komisiju za odabir krajnjih korisnika za dodjelu platenika sa pratećom opremom putem sufinansiranja u saradnji sa humanitarnom organizacijom čine: predstavnik organizacije Muslim Aid, i dva predstavnika Općine.

Zadatak Komisije za dodjelu platenika je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.
Saglasnost na predloženu rang listu kandidata daje Općinski načelnik.

Rang lista odabranih kandidata će biti objavljena na oglasnoj ploči Općine i službenoj web stranici Općine Olovo.

NAPOMENA:

Kandidati koji ostvare pravo na dodjelu platenika obavezni su prisustvovati edukaciji koju organizuju Muslim Aid Association i Općina Olovo.
Obrasci zahtjeva za prijavu i izjava mogu se preuzeti u šalter sali Općine Olovo i zajedno sa dokumentacijom predati na protokol Općine Olovo.

Sve dodatne informacije mogu se dobiti u Službi za ekonomske poslove ili na broj telefona 032/829-555 svakim radnim danom od 08:00-15:30 sati.

Javni poziv ostaje otvoren do 31.07.2023 . godine.

Nepotpune i neblagovremene prijave se neće uzeti u razmatranje.

Javni poziv obradio

Žilić Mirzet



DOSTAVITI:

1. Muslim Aid, Koševo 10 Sarajevo
2. Oglasna tabla Općine Olovo
3. Općinski Načelnik
4. Služba

